

## Evropski sud za ljudska prava poduzima iznimne mjere

Evropski sud za ljudska prava poduzima niz iznimnih mjera kako bi odgovorio na globalnu zdravstvenu krizu bez presedana, imajući u vidu nedavne odluke vlasti Francuske i Vijeća Evrope.

Osnovne aktivnosti Suda će se u načelu zadržati, a naročito rad na prioritetnim predmetima. U tu svrhu, u okviru Suda je kao opće pravilo uveden rad na daljinu kako bi se osigurao kontinuitet njegovih zadataka.

Uspostavljene su procedure za razmatranje hitnih zahtjeva za privremene mjere prema pravilu 39. Poslovnika Suda. Ovo pravilo primjenjuje se samo kada postoji neposredna opasnost od nastanka nepopravljive štete.

Prostorije Evropskog suda za ljudska prava više nisu dostupne javnosti, a ročišta zakazana za mart i april otkazana su do donošenja daljnjih odluka.

Pravilo šestomjesečnog roka za podnošenje aplikacija, iz člana 35. Evropske konvencije o ljudskim pravima, iznimno se suspendira na period od jednog mjeseca počevši od ponedjeljka 16.03.2020. godine.

Svi rokovi određeni u postupcima koji su u tijeku, bit će suspendirani na mjesec dana, što stupa na snagu od ponedjeljka 16.03.2020. godine.

Ovi novi radni aranžmani bit će pod konstantnim preispitivanjem, ovisno o razvoju zdravstvene situacije, te će se uložiti svi naponi kako bi se osiguralo da Sud nastavi s radom, a da se pri tome povinuje pravilima koja je donijela njegova zemlja domaćin.